

عمرك كام ؟

عمرك كام....؟

أنا ؟ في الثلاثين.

طب ليه عينيكي كده شاردين؟

ليه كل ماأسرح جواهم....

ألمح فيهم طوق ياسمين؟

فيهم دمع كتير بيكابرو...

حالف إنه يضل سجين.

وكمان ضحكه ناويه تسافر...

رافضه تعيش لها حتى يومين.

شايفك لحن وصوته بيسري...

جوه القلب وفي الشرايين.

شايفك نبع وخيره بيروي....

ويطبطب على كل حزين.

ثابته حتي في كل مشاعرك...

مهما تعدي سنين وسنين.
رافضه تبوحى بأسرار شعرك...
دربك صعب بعيد ومتين.
كل ماشوفك بسأل نفسي....
جايبه القوه دى بس منين؟